



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 3. Concilium Ansanum.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Divinum Numen avertit tantum nefas. Sæculum XI.
A.C. 1100.
 Nam Bœmundo quindecim diebus, prius quam Godefridus e vita decederet, a Turcis capto, cum Balduinus Jerosoly-
 mam advenisset, Daimberto Patriarchæ reconciliatus est, Arnulpho Archidiacono frustra contra nitente, qui pridem Digni-
 tatem Patriarchalem ambierat, vir opi-
 bus & callido ingenio potens. Tandem Balduinus a Daimberto Bethlehemi, in Festo Natalis Domini, eodem anno mil-
 lesimo centesimo coronatus, Regnum auspiciatus est, quod annis septendecim tenuit.

§. III.

Concilium Ansanum.

Hugo Archiepiscopus Lugdunensis, Je-
 rosolymam peregrinaturus, ad Pa-
 pam Legatos misit, qui licentiam pete-
 rent. Annuit Papa præcipiens, ut iter Chro. Vird.
p. 254.
 suum Romam dirigeret, ubi Legati in Asia potestatem acciperet, qua hæctenus to. 10. Conc.
p. 726.
 in Burgundia digne usus fuisset. Roga-
 bat etiam Hugo, ut Legatos mittendos
 mandatis suis accurate instrueret. Istud Sup. lib.
LXIV.
p. 21.
 de duobus Cardinalibus Joanne & Bene-
 dicto, qui hoc anno in Franciam vene-
 runt, accipiendum esse puto. Nunciis
 cum illo Papæ responso in Burgundiam
 reversis Archiepiscopus Lugdunensis Suf-
 fraganeos & Clericos suæ Diœcesis con-

Sæculum XI.
A.C. 1100.
vocavit, a quibus viaticum peteret, ea quippe maxime de causa Synodum Anfanam coegit anno millesimo centesimo, cui interfuerunt Archiepiscopi quatuor, Lugdunensis, Cantuariensis, Turonensis, & Bituricensis, Episcopi octo, Augustodunensis, Matisconensis, Cabilonensis, Antissiodorensis, Parisiensis, Diensis & alii duo. Statuta pace (nempe ut credo Induciis Sacris confirmatis) de itinere Jerosolymitano agere cœperunt, & illi, qui voverant, nec tamen votum adimpleverant, excommunicati sunt, usque dum promisso se exsolverent.

§. IV.

S. Anselmus Lugduni.

Archiepiscopus Cantuariensis, qui Concilio Ansano interfuit, erat S. Anselmus, quem rerum suarum status jam uno plus anno Lugduni morari cogebat. Nam, Concilio Romano mensis Maji anni millesimi nonagesimi noni soluto, Anselmus, cum parum præsidii in Papa sibi esse cognosceret, altera die itineri se dederat, & superatis multis periculis tandem Lugdunum pervenerat, quem Archiepiscopus editis maximæ lætitiæ honorisque signis excepit. Ibi igitur diversari statuit, abjecta omni spe, se Rege Guilielmo Rufo superstite, in Angliam redire posse. Archiepiscopus Lugdunensis

Edmer. 2.
Novor. p. 55.

Sup. lib.
LXIV. §.
61.